

Drejtor i Drejtorisë së Monitorimit dhe Reagimit të Incidenteve, Qendrës Operacionale SOC CSIRT, në Autoritetin Kombëtar për Sigurinë Kibernetike.

Në zbatim të ligjit nr. 25/24 “Për Sigurinë Kibernetike”, ligjit nr. 7961, datë 12.07.1995 “Kodi i Punës i Republikës së Shqipërisë”, i ndryshuar, vendimit të Këshillit të Ministrave nr. 783 datë 18.12.2024 “Për organizimin dhe funksionimin e Autoritetit Kombëtar për Sigurinë Kibernetike”, vendimit të Këshillit të Ministrave nr. 325, datë 31.05.2023 “Për miratimin e strukturës së pagave, niveleve të pagave dhe shtesave të tjera mbi pagë të zëvendësministrit, funksionarëve të kabineteve, prefektit, nënprefektit, nëpunësve civilë dhe punonjësve në disa institucione të administratës publike”, i ndryshuar, vendimit të Këshillit të Ministrave nr. 482, datë 24.07.2024 “Për përcaktimin e masës së shtesës për natyrë të veçantë pune për drejtorin e përgjithshëm dhe nëpunësit në njësitë teknike të përmbajtjes së Autoritetit Kombëtar për Sigurinë Kibernetike”, urdhrin të Kryeministrit nr. 239, datë 16.12.2024 “Për miratimin e strukturës dhe të organikës së Autoritetit Kombëtar për Sigurinë Kibernetike”, Autoriteti Kombëtar për Sigurinë Kibernetike shpall konkurrimin për 1 (një) vend të lirë pune në pozicionin:

- **Drejtor i Drejtorisë së Monitorimit dhe Reagimit të Incidenteve, Qendrës Operacionale SOC CSIRT, në Autoritetin Kombëtar për Sigurinë Kibernetike.**

DETYRAT DHE PËRGJEGJËSITË E POZICIONIT PËRMBAJNË POR NUK KUFIZOHEN NË:

- Drejton, monitoron dhe koordinon të gjithë punën e drejtorisë;
- Tregon kujdes të veçantë në respektimin e afateve dhe të procedurave për kryerjen e punës së drejtorisë;
- Jep zgjidhje konkrete për problemet që ndeshen gjatë kryerjes së detyrës;
- Zhvillon marrëdhënie bashkëpunimi me drejtoritë e tjera të institucionit;
- Jep kontribut për shtesë të punës së kryerjes së detyrës, për shtesë të punës së kryerjes së detyrës;
- Drejtoria vepron në cilësinë e CSIRT-it Kombëtar, së bashku me drejtoritë e tjera;
- Zbaton aktet ligjore dhe nënligjore që dalin në funksion të objektit të veprimtarisë së Autoritetit;
- Kryen analiza për dobësitë e konstatuara në fushën e sigurisë kibernetike;
- Siguron ndihmë dhe mbështetje metodike për operatorët përgjegjës në fushën e sigurisë kibernetike;
- Monitoron në mënyrë të vazhdueshme aktivitetin kibernetik në infrastrukturën kritike, në mënyrë proaktive;
- Në momentin e evidentimit të anomalive, merr masa për reagim sa më të shpejtë dhe efikas, me qëllim parandalimin dhe menaxhimin e incidenteve të mundshme kibernetike;
- Kryen simulime të ndryshme incidentesh dhe sulmesh, me qëllim rritjen e kapaciteteve teknike dhe operacionale në nivel kombëtar;
- Ndërvepron me njësitë e tjera brenda dhe jashtë institucionit, për realizimin e detyrave dhe funksioneve të përgjithshme të Autoritetit.

KËRKESA TË PËRGJITHSHME PËR KANDIDATËT

Arsimi: Niveli minimal i diplomës “Master Shkencor” në Teknologji Informacioni/ Inxhinieri Kompjuterike/ Inxhinieri Informatike/ Inxhinieri Telekomunikacioni/ Inxhinieri Elektronike/ Shkenca Kompjuterike/ Informatikë Ekonomike.

Përvoja: Të ketë 5 vite përvojë pune në profesion.

FUSHA E NJOHURIVE:

Kandidatët do të intervistohen mbi fushën e njohurive si më poshtë:

- Fushën e sigurisë kibernetike;
- Njohuritë mbi metodikat kërkimore, që ndihmojnë në përgatitjen bazike dhe analitike;
- Njohuri të thelluara në kornizat e ndryshme të informacionit dhe sigurisë kibernetike, si: ISO 27001, NIST CSF, duke përfshirë direktivat e BE-së lidhur me sigurinë, rregullat dhe ligjet ndërkombëtare;
- Vlerësim i rrezikut të sigurisë së informacionit.

Aftësi për të:

- Realizuar objektivat teknike, për të evidentuar sulmet dhe për të analizuar informacionet (*logjet*), risqet dhe ndjekur masat e kundërmasat për mbrojtjen;
- Përvojë në monitorimin e rrjetit, analizën e incidenteve dhe përdorimin e mjeteve të specializuara të sigurisë;
- Të kenë aftësi të shkëlqyera të komunikimit në grup për të përballuar situata kritike, si dhe shkëmbyer ide dhe mendime teknike dhe për të argumentuar propozimet përkatëse;
- Organizuar, komunikuar, prezantuar dhe punuar në grup;
- Njohuri të mira të gjuhës angleze;
- Përbëjnë avantazh certifikimet profesionale: Certifikatë në administrim rrjetash (CCNA ose ekuivalent); menaxhim sistemesh: IT security, LINUX. Certifikim në administrim të sistemeve të sigurisë së informacionit (ISO 27001, ITIL ose të ngjashëm), certifikim profesional në një ose më shumë fusha të sigurisë: CISA/CISM/CISSP).

Çdo kandidat jo-kualifikues pas procesit të intervistës, ka të drejtë për ankim jo më vonë se 2 (dy) ditë kalendarike pas marrjes së njoftimit.

PAGA PËR POZICIONIN ËSHTË NË KLASËN (II-1)

PARAQITJA E DOKUMENTEVE:

Kandidati duhet të dërgojë brenda datës 12.05.2026, në Autoritetin Kombëtar Sigurinë Kibernetike, në adresën: Rruga “Papa Gjon Pali II”, Nr. 3, Kati I, Tiranë ose në adresën e emailit: burimet.njerezore@aksk.gov.al, këto dokumente:

- Kërkesë për aplikim;
- CV (sipas formatit europass në gjuhën shqipe);
- Fotokopje të diplomave që disponon dhe listës së notave;
- Diplomat e përfunduara jashtë vendit duhet të shoqërohen edhe me dokumentin e njohjes nga institucionet përkatëse, sipas legjislacionit të arsimit të lartë;
- Fotokopje të librezës së punës (të gjitha faqet që vërtetojnë eksperiencën në punë);
- Fotokopje të certifikatave të kualifikimit (nëse ka);
- Fotokopje të dëshmive të gjuhëve të huaja;
- Vërtetimin e gjendjes gjyqësore;
- Të paktën një letër rekomandimi.

Mosparaqitja e plotë dhe brenda afatit e dokumenteve sjell skualifikim të kandidatit.